

KOMMUNIKAMMA 7 NOVEMBER 2021



Kontakpersone, indien jy meer inligting nodig het oor een van die sake wat hier verskyn:

Jou blokouderling of -diaken

Niekie Oosthuizen: 082 561 8747; 041 360 1484; kerkkantoor@ngkraggakamma.co.za

Ds MG van Rooyen: 083 413 7100; mg@ngkraggakamma.co.za

Ds Toit Wessels: 084 240 2916; toit@ngkraggakamma.co.za

PROGRAM VIR DIE WEEK:

Biddag vir die Vervolgde Kerk

NAGMAAL

Lidmate is welkom om hulle eie tekens saam te bring.

Skriflesing: Fil 1:3-11

Tema: Onderskei – wat om te doen wanneer die stad brand?

09:00 Erediens

https://youtu.be/U_0UiWDhYp8 Skakel gerus op Youtube kanaal in as jy die lewendige uitsendings wil volg.

Die video sal gestoor word op Youtube, sodat jy ook op jou eie tyd daarna kan gaan kyk.

Die huisgeloof, 'n gesprek riglyn rondom die tema van die erediens, is op die gemeente se webwerf beskikbaar.

Die deurdankoffer gaan vir There4-bedieninge.

09:00 Kleuterkerk

GEEN Kategese a.g.v. Nagmaal

EREDIENSTE IN DIE KERKGEBOU

Die hou van eredienste is onderhewig aan al die Covid regulasies. Daar mag nou **250 persone** per erediens in die kerkgebou wees. Die diens word steeds digitaal beskikbaar gestel. Ons gaan, indien regulasies nie weer verander nie, hierdie jaar een erediens om 09:00 hou.

Indien jy 'n erediens wil bywoon, kan jy die volgende skakel gebruik om die aanlyn besprekingsvorm te voltooi.

<https://forms.gle/p7mpVSBnHeYdRYuZ8>. Ons versoek dat jy die vorm voor Vrydag 12:00 sal voltooi.

Jou bespreking verseker jou van 'n plek in die erediens.

Neem asb. kennis dat dit nie 'n vereiste is om plek te bespreek nie. Dit maak net die proses makliker, want ons moet 'n naamlys hê van almal wat by die erediens was.

SEL/KLEINGROEP REEKS VIR HIERDIE KWARTAAL

Ons gaan voort met die derde week week van die: **“7 weke as Sinsoekers”** reeks in ons eredienste en in sel- of kleingroepe. Oorweeg biddend om weer bymekaar te kom as 'n selgroep of nuut by 'n groep in te skakel.

Die persoon om te kontak is Elizma Harmse by sel: 083 940 5617 of vir ds Toit.

Boekies is in die voorportaal en by die kerkkantoor beskikbaar. (Indien jy 'n bydrae wil maak, het die drukwerk van die boekie ons byna R30.00 gekos) 'n Afskrif van die boekie is op ons webwerf beskikbaar by

<http://www.ngkraggakamma.co.za/index.php?destination=kleingroepbediening>

Datum	Tema	Skriflesing
7 November	Onderskei	Fil 1:3-11
14 November	Onderonsie	Hand 15:1-35
21 November	Omsluit	Ps 139
28 November	Ontwrig	Luk 10:1-20

Maandag 8 November

09:30 Biduur by KKU

12:45 GEMEENTEBIDUUR

Ons hou Maandae 'n gebedsgeleentheid in die konsistorie, maar ook via Zoom. Almal is welkom. Kontak Niekie indien jy wil saam bid of 'n gebedsversoek het.

18:00 ADMINISTRASIE

Dinsdag 9 November

Voedselhulp aan PE-Noord

Ons help weekliks ongeveer 30 gesinne met kospakkies en ander benodighede. Die nood raak steeds groter. Hul gee ook nou toebröodjies vir 40 kinders wat honger gaan slaap en skool toe gaan. Hulle vra vir donasies van smeergoed. Dankie vir elkeen se ondersteuning.

Behalwe vir die skenkings van kos en klere ontvang, is reeds meer as R270 345.00 gebruik om kos aan te koop.

Kontant donasies kan in ons kerk se bankrekening gemaak word. Merk dit asb. duidelik vir PE Noord.

Skenkings kan hierdie week op Dinsdag by Willie en Gaynor Swanepoel (Abeliasingel 23) afgelaai word. U kan meer inligting op ons webblad kry of vir Sonja Spies (084 516 4925) kontak.

Woensdag 10 November

KERKKANTOOR

Die kerkkantoor sal elke Woensdag van 08:00 tot 12:00 oop wees. **Geen persoon sal sonder 'n masker toegelaat word nie.** Volg asb die regulasies.

18:00 DAGBESTUUR

Vrydag 12 November

05:00 MANNEGROEP

Indien jy wil deel word van die groep, kontak vir Frans vir meer besonderhede by sel: 082 773 6205.

Sondag 14 November

09:00 EREDIENS (agv reeks wat ons volg en covid regulasies kan dit nie'n kerssangdiens wees soos op almanak aangedui.

Skriflesing: Hand 15:1-35

Tema: Onderonsie

<https://youtu.be/NJRuGKUuR-E> Skakel gerus op Youtube kanaal in as jy die lewendige uitsendings wil volg.

Die video sal gestoor word op Youtube, sodat jy ook op jou eie tyd daarna kan gaan kyk.

(Die deurdankoffer gaan vir WWJD-Bedieninge)

10:00 KATEGESE

Kategese afsluiting by die kerkgebou vir graad 1 - 6. Covid protokol is in plek en ons sal alles in ons vermoë doen om die jongmense veilig te hou. Graad 7 - 11 kategese vind by ouerhuise plaas.

18:00 There4-Bediening vier IDOP met byeenkoms by by ons kerkgebou.

Jy word uitgenooi na 'n tyd van aanbidding saam met ons. Ons gaan IDOP (Internasionale Dae van Gebed vir vervolgte Christene) vier! Dit sal 'n in-persoon bemoedigende ontmoeting wees. Ons sal die tyd van aanbidding en gebed aanbied. Ons sal ook terugvoer gee oor wat die Here besig is om te doen in die land waar ons tans woon, sowel as die buurlande waar ons dien. As gevolg van inligting en foto's wat ons gedurende hierdie geleentheid wil deel, sal ons nie die diens op sosiale media kan uitsaai nie. Bespreek jou sitplek deur 'n epos te stuur aan

support@there4ministries.org Covid-regulasies sal toegepas word. Handgemaakte items wat deur die dames vir wie Janine bedien gemaak word, sal ook te koop aangebied word.



Fonteinvriende Braai

Fonteinvriende is die gemeente se groep van afgetrede persone. Ons gaan die jaar afsluit met 'n lekker braai op Donderdag 25 November 2021. Ons begin 11:00. Dit kos R50.00 per persoon wat wors, sosasie, boereworsrol en slaai insluit. Bring al jou eie eetgerei en drinkgoed saam asseblief. Persone wat nuut by fonteinvriende wil inskakel kan Zelda Bakkes kontak by sel 083 950 6096.

SAKE vir GEBED:

- Dank die Here dat die verkiesing op die meeste plekke vreedsaam, vry en regverdig was. Tree in vir elke persoon wat aangewys is in die verkiesing, dat die Here hulle sal seën en versterk vir die groot taak op hulle skouers.
- Ons dank die Here vir die reën wat reeds in ons omgewing geval het, maar bly laag op ons knieë as ons bid vir die kritieke stand van damme van ons stad en omgewing. Ons hulp kom van ons Here en ons pleit dat Hy in Sy almag sal ingryp en vir ons reën sal stuur. Bid ook ernstig vir al die ander droogtegeteisterde gebiede in ons omgewing en in ons land. Ons bid dat al die inwoners die erns van die saak sal besef en daadwerklik pogings sal aanwend om water te bespaar.
- Dossie Nortje, Felicity Murray en Peet Viljoen vir volkome herstel na hulle onderskeie operasies.
- Dank vir Willie en Ria Bezuidenhout se seun Danie wat goed herstel het.
- Bejaarde lidmate wat swaarkry in hierdie vreemde omstandighede.
- Kleinskool waar daar so baie mense sonder werk sit, maar ten spyte van hul haaglike finansiële toestand hul geloof en barmhartigheid onder mekaar uitleef.
- Almal wat besig is met eksamen.

There4-bediening se gebedsversoek vir die week:

Van die 7de tot die 14de November sal Christene dwarsoor die wêreld spesifiek bid vir ons broers en susters wat te midde van vervolging lewe. Hierdie dae van gebed staan bekend as IDOP (Internasionale Dae van Gebed vir Vervolgde Christene).

Bid saam vir genesing en moed vir diegene wat fisies mishandeling ervaar en tronkstraf uitdien omdat hulle Christus volg.

Sake uit die afgelope week se Sinodesitting

Bybelgenootskap

Die 2020 vertaling van die Bybel is van 22 Oktober tot 15 Desember vir slegs R99.00 beskikbaar by die Bybelhuis.

Teologiese opleiding

Teologiese opleiding is nie net meer vir voltydse leraars nie. As die Here vir jou roep, is daar die volgende opsies om ter oorweeg. Kontak met een van die dominees indien jy belangstel.

- **Bedienaars in bedieningsvaardighede** word in een van die volgende terreine toegerus: Prediking & lering; Jeug en familie; Berading; Gemeenskapswerk (Diakonaat); Geestelike begeleiding; Missionale leierskap. Dit is 'n 12 tot 18 maande aanlyn kursus by Hugenate Kollege en kos R3000,00 per persoon. Bedienaars kan na afloop van die kursus in gemeentes bevestig word om onder leiding van mentors selfstandig te kan bedien.
- **Diensleraars:** Kan vir 3 jaar byvoorbeeld by Stellenbosch BTh doen of deelyds BTh by Hugenate Kollege. Deurloop 'n bedieningsontwikkelingsprogram van die Seminarium in hulle gemeente olw 'n mentor insluitende weeklikes aanlyn sessies en jaarlikse retreat. Hulle word na afloop van die kursus gelegitimeer en kan dan beroep word na gemeentes waar hulle olw mentor leraars diens lewer in hulle area van opleiding. Conrad Pienaar in ons gemeente doen tans hierdie opleiding.
- Opleiding van **leraars** kan ook deelyds gedoen word.

POUSE PAKKIE

Teen R20.00 per pakkie kan jy ons onderwysers bederf met 'n Pouse-Pakkie.

Ondersteun hierdie projek en wys op so 'n manier waardering vir ons onderwysers.

Kontak Niekie vir meer besonderhede of om betrokke te raak.



VERJAARSDAE

Ons wens die volgende lidmate geluk met hulle verjaarsdae:

- 7 November Cheryl Frazenburg, Christo Grobler, Steven Jackson, Anna Stassen en Melville Venter
- 9 November Manana Alting, Amanda Lingenfelder, Karlien Smit, Hannetjie van Rynelveld, Linda van Zyl en Alex Wentworth
- 10 November Colleen Botha, Olivia Greyvenstein, Zulay Jonker, Andre Kirchner, Lara Nell en Marius Thiart
- 11 November Carli Human en Heila van der Merwe
- 12 November Poen Odendaal en Liesl Strydom
- 13 November Leonard van den Berg, Debah van Eeden en Mareli van Tonder



KERKRAAD EN DIENSWERKER VAKATURES

Die gemeente het 'n 2 ouderling, 2 diaken en 10 dienswerker vakatures. Indien die Here jou lei om hier te dien, kontak asb met Niekie.

NG KERK NEWTONPARK HOU KERSMARK

NG Kerk Newtonpark hou op Vrydag 3 Desember vanaf 16:00 tot 19:00 Kersmark. Indien jy 'n stalletjie wil bekom, om jou eie produkte te verkoop, kan jy vir Heleen kontak by 082 562 8956.

TIENDEMAAND DANKOFFER

Oktober was 10de maand dankoffer maand. Aan die einde van de maand was die inkomste van die tiendemaand dankoffer R60 650.

Die begrote bedrag vir die tiendemaand dankoffer is R240 000. Jy is welkom om steeds, indien die Here vir jou so lei, jou 10de maand dankoffer bydrae te maak.

Ons dank die Here wat voorsien het deur elke lidmaat se dankbare bydrae!

DANKOFFER

Baie dankie vir elkeen se dankbaarheidsbydrae wat ons maandeliks ontvang. Dankoffers kan direk in die kerk se bankrekening of deur middel van Snapscan betaal word.

Die kerk se bankbesonderhede is:

NG Kraggakamma

Absa Tjekrek 1400590091

Takkode 632005

